


後山集



漢書門類			
三	四	七	三
九	六	三	七
七	三	六	三
冊	架	函	號

内閣文庫			
三	四	七	三
一	五	七	三
二	〇	七	三
架	冊	號	類

内閣文庫			
番號	漢	3473	
冊數	7 (3)		
函號	315	94	



糊などで貼り付けられている部分がめくれない箇所あり

後山先生集卷第七

詩

和蘇公洞庭春色

洞庭千木奴寸絲不挂手來輸步兵厨釀作青田

酒王家玉東西未覺歲華走方從羅浮山羅浮山有仙人

已作南陽壽還將瓮頭春慰予雪入牖我方



縛禪律一舉煩屢嗅東坡酒中仙醉墨祭星斗詩

成以屬我千金須弊帚何曾尊俎間著客面黧黝

定須笑美人趙有雙者平原蘇甲不濡口

山口阻風

夕風朝未回來雲去為雨繫舟直山口天意遽如



許濤風兩方鬪丘原莫當怒兩山為俯仰一鳥不
得度臨深負高枕偷生寧得所歷歷數過帆當途
氣如虎快意亦適然淹泊豈吾取遡洄更去留未
易相爾汝行登東山顛壯觀前未覩九澤不滿眼
五丈方一縷茲山昔誰遊巨野傳自古菰魚無凶
年未利猶不禦荷隩活萬人梨埒視千戶東方富
絲麻小市歲百賈連檣自南北行談雜秦楚向晚
風力微湖清魚可數空倉烏鳥樂外舍牕扉語身
非天下惜家無十金聚欲留盜賊迫欲去波濤怒
兩者爾何從一死吾未與

登真山

東山如覆盂石塔仍數層昔人行樂處時過名不
稱秋風變草木樵徑餘新蒸四顧一水間不復知
淄澠菰蒲萬世利烟火千人冪平住登山脚歲晚
如不勝求田若勿問撫髀吾何能飛鴻將目遠秋
水留心澄茲遊豈不朽作歌記吾曾

江湖堂

莫愛西湖好消消去不回無情是江水猶解及時
來

眠雲齋

已是登臨晚長須愛惜春終當捐世事來作卧雲
人

山口

湖闊疑無地，河回忽見山。登臨聊自試，衰疾致身
閑。四壁寧虞盜，多方莫駐顏。無風回遠笛，有月待人
還。

擬古

盎中有聲囊不瘦，嚙息不如帶加緊。人生七十今
已半，一飽無時何可忍。公侯早歲有如此，奴婢羸
食支夜水。向來糠覈之子孫，居鄰無傳家存井。

嘲無咎文潛

二首

詩人要瘦君則肥，便然偉觀詩不且。詩亦於人不
相累，黃金九銀腰十圍。

一飢緣我不緣渠，身作賈孟行詩。窮人乃工君
未可，早擬要路安肩輿。

次韻夜雨

暗雨來何急，寒房客自醒。驟看燈閃閃，擬對竹青
青。聲到江干盡，風回葉上聽。更長那得晚，欹側想
儀刑。

晦日

人老時情薄，春深花意微。暄寒南北異，風俗古今
違。即事無同異，旁觀有是非。食蔬如許瘦，飽肉未
須肥。

登城樓

城郭春容晚，因行可當遊。飛來雙蛺蝶，自盡一浮鷗。峽嶮山將合，江平水却流。同來端興盡，且為小遲留。

奉賀陳聖子

譜兒童歲為僚一再秋，初聞消息報已作別離。憂急雪將無路，寒江欲斷流相逢，寧易得端為小遲留。

和王子安至日

近節翻多事，為家不亦難。老成須藥力，愁絕向誰寬。凍雨能坊夢，朝霜故作寒。衰頰心自了，不待鏡中看。

其二

物理有終極，人情從往還。陰陽消長際，老疾去留間。申白徒懷惠，巢由不買山。更歌吾和汝，風日稍侵頰。

其三

晨起公私迫，昏歸鳥雀催。百年忙裏盡，萬事醉間來。竹雨深宜晚，江梅半欲開。風燈挑不焰，寒火撥成灰。

寄文潛無咎少游三學士

北來消息不真傳，南渡相忘更記年。湖海一舟須此老，蓬瀛萬丈自飛仙。數臨黃卷聊遮眼，穩上青

雲小著鞭李杜齊名吾豈敢晚風無樹不鳴蟬

連日大雪以疾作不出聞蘇公與德麟同登

女郎臺

掠地衝風敵萬人蔽天密雪幾微塵漫山塞壑疑

無地接隙穿帷巧致身晚積讀書今已老閉門高

卧不緣貧遙知更上湖邊幸一笑潛回萬室春

賜柴米

立春

馬蹄殘雪未成塵梅子梢頭已著春巧勝向人真

奈老衰顏從俗不宜新高門肯送青絲菜下里誰

思白髮人共學少年天下士獨能濡濕轍中鱗

贈王聿修商子常

欲作新詩挑兩公含毫不下思先窮貧逢大敵能

無懼強畫脩眉每未工畏病忍狂妨痛飲晚雲朝

雨滯晴空正須好句留春住可使風飄萬點紅

朱櫻青子已嘗新白帽黃衫見未頻載酒對棊無

俗士閉門高枕有閑人有底百年須薄祿猶看一

笑却關身肯留惡客開家釀驚坐何人更姓陳

次韻敬酬元弼三兄

冥冥雨力及時來冉冉春光作意回白髮尚堪供

語笑青衫不惜著風埃林廬要自家家到樽酒寧

辭日日開只恐未便文字飲人間無夢到陽臺

寄都下故人示王子安

湖海相忘目自踈。經年不作一行書。世間惟有韓
康伯。肯為淵源住歲餘。

送張衡山

昔別青衿子。今為白髮翁。此行何日見。多難向來
同。官事酣歌裏。湖山秀句中。風塵莫回首。留眼送
歸鴻。

除夜對酒贈少章

歲晚身何託。燈前客未空。半生憂患裏。一夢有無
中。髮短愁催白。顏衰酒借紅。我歌君起舞。潦倒略
相同。

和賈耘老春晚

縈縈裊裊幾絲飛。榴葉千燈照晚暉。紫翠園林鶯
欲懶。黃昏簾幕燕初歸。花明西苑將迎幸。草綠平
原正打圍。一卧海城春又晚。不妨閑處得真機。

擬漢宮詞三首

葉葉霜林著意紅。翩翩行騎語墻東。黃金擬買長
門賦。未信君恩屬畫工。
月與秋期特地圓。花隨人意作春妍。却因妍弟爭
珠鳳。更欲君王意外憐。
帳底吹烟香自薰。鏡前含笑意生春。經年不道君
恩薄。却是恩深更誤人。

擬李義山柳枝詞

江清沙日煖，雄鴨雌鴛。相看
不相識，花晚褪紅香。

其二

嫋嫋東門柳，重重小苑花。
為誰須落子，著意莫藏鴉。

其三

雨葉不自持，風花故入衣。
飛花已無定，忍著惡風吹。

其四

伏雌將阿一作鷺，水陸不相直。
鴨鴨橫波去，嗚嗚

呼不得

其五

莫解丁香結，從教長苦辛。
却因千種恨，別作一家春。

庚辰三月上旬登白門闕望

昔別子未仕，人言詩有神。
預知河嶺阻，不作往來頻。
剩喜今猶學，須知祿為親。
五陵花滿眼，作意莫禁春。

次韻寇秀才寄下邳家兄

少共千憂老一官，中間毀譽兩茫然。
去留有命真如此，俯仰從人却未然。
故著江山供極目，正將強

健入新年驚逢小杜風流勝信有衣冠不乏賢

贈知命

黑頭居士元方弟不肯作公稱法嗣外人怪笑那
得知他日靈山親授記學詩初學杜少陵學書不
學王右軍黃塵扶杖笑鄰女白衫騎驢驚市人靜
中作業此何因醉裏逃禪却甚真顧我無錢呼畢
曜有人載酒尋子雲君家魯直不解事愛作文章
可人意一人可以窮一家怪君又以才為累請將
飲酒換吟詩酒不窮人能引睡不須無事與多愁
老不欲醒惟欲醉

次韻荅少章

秦郎淮海士才大難為弟蔚然霜雪後不受江漢
洗春畦不滿眼來掇到芹薺多病促餘年秋光欲
辭抵儒林丈人行掘起三界底出入銀臺門為米
不為醴白頭容北面斯文分一體愧我無異聞口
闕不得啓

大風

飛砂破面風裂石平林隱隱傾霹靂野火燎原塵
漲天道聞馬嘶不相得老翁強欲作少年立馬階
除起無力城南桃李春意動少待明朝莫相失

秦少章見過

淮南小山秦氏子舊雨不來今雨來風席起籠晨

突冷坐看鳥迹破蒼苔

送王君玉赴試

汝穎諸王後風流獨此人談鋒堅百戰筆力舉千
鈞得士吾無愧多聞子未貧平生三學士相見定
相親

送路紉歸老丹陽

身退不待年意足不得餘寧聞有餘論但問我何
如才名四十年盛氣蓋諸儒獨無金水力竟與鼃
黿俱晚為府中掾直前不趨趨曾何愧俯仰頗亦
困囁嚅有粟尚可餬有酒尚可娛一朝脫章綬用
意不躊躇富貴亦何有惜君寧挽裾人生一世間

僅得還其軀謝公江海人此許竟亦踈千金一大
錢兩子雙明珠妙語發幽光東坡為款款不知兩
踈去能亦有此無聊為三徑資從子並門居

後山先生集卷第七

後山先生集卷第八

詩

奉送閻醇老推官

古今猶異俗，鄒魯尚多儒。
簿領三年責，雲霄一武趨。
數過忘潦倒，惜君更斯須。
說與晁夫子，今年雖也無。

回風行

懸流洶洶從天來，南風五日闔不開。
御風起柁虎著翼，衝風繫纜頽死灰。
昨日逆風今日回，萬人莫挽才浮杯。
篙牽相賀天意得，秋聲滿帆風倒桅。
天留異態湏一怒，造物可得無嫌猜。

荅李簿

老去才先盡。春來酒屢空。甘為耕釣手。畏作囁嚅翁。與罪寧無說。言詩新有功。不堪須野鷺。似欲吐長虹。

謝傅監

好士如好色。昔聞今則無。平生席為門。未識長者車。曠士慕林谷。羈人辱泥塗。願為執鞭役。莫順下風趨。去年辱公先。懷刺留寓居。我往拜其門。鸞鷲鳴高梧。論交不計年。取村忘其愚。一寒我如此。百鎰公無餘。今年賀公歸。乃復過我廬。當使有近行。鷹門有長須。小家不耐事。雞飛犬升問。莫歸自有

恨親顏。一何娛汝家。吾無憂能致賢大夫。吳公漢庭右。賈生世用疎。平分大倉粟。盡讀鄴侯書。士為知己留。不為食有魚。三言移曾母。投杼公何如。

賀文潛

飛騰無那高。詹事奔軼難。甘杜拾遺釋。楚不為寧。顧計公侯有命。却隨宜且留。陳迹來韓愈。不用逢人說。項斯富貴風聲真。兩得窮人從此不因詩。

贈張文潛

張侯便然腹如鼓。飢雷收聲酒如雨。讀書不計有餘處。尚著我輩千百許。翻湖倒海不作難。將軍百戰富善賈。弟子不必不如師。欲知其人視其主。秋

來待試丞相府。穀馬礪兵吾甚武。問周不敵聞其語。一戰而霸在此舉。百年富貴要自取。人將公卿退爾汝。德如墨君誰敢侮。

次韻荅秦少章

學詩如學仙。時至骨自縹。縹紗鴻鵠上。衆目焉能玩。子從淮海來。一喙當百難。師儒有韓孟。拭目互驚惋。老生時在傍。縮手愧顏汗。黃公金華伯。莞爾回一眄。彼方試子難。疾前不應懦。要當攻石堅。勿作搏沙散。栢壁雖具美。確錯加璀璨。我老不足畏。後生何可慢。

次韻荅子實少章

英英黃金花。論時不論美。靖節骨已朽。棄捐乃其理。兩公意有餘。采采今未已。尚念白頭生。臨風嗅霜芷。

其二

交新情已故。室遠人則邇。杯酒不相忘。一朝得二子。初花美無度。後時終可鄙。與汝卧秋風。看君雙控鯉。

九月十三日出善利門

十載都城客。孤身冒百艱。一飢非死所。萬里有生還。去國吾何意。歸田病不關。共看霜白鬢。似得半生閑。

絕句

老著江湖才一得病占風雨漫多知身將白鳥同
歸月夢到黃梁未熟時

送章推官

從事有多譽還家能少留持杯猶頽尾解纜即沙
頭好事今猶壯論文老自休風埃留我老說與五
湖秋

送章氏兄弟兼寄金山寧禪師

未塗一過馬羣空老眼雙瞻碣石鴻固有江東兼
渭北其如明月與清風一官羈絆吾堪老萬里嫖
姚子未窮寄語此時懷馬祖叩門何日許龐公

寄晁以道

兩官俱為鄰常若千里遠經年不通書子孰知我
懶相期宇宙外肯復校繁簡我愚亦知此子意豈
不滿子教東方生自視何益損人言不當價一錢
萬金產須子五千卷丹筆校黃本子家大史氏名
成南北阮道山鴻鴈行豈惟私門術功名須老大
四十未為晚快意會有違急行寧小緩忽有河山
阻遂恐消息斷我獨不念此人窮令智短子勿放
我慵書來慰愁眼

同道士錢冷然尋澗水源

曉領黃冠子步尋東澗源施第探清淺垂手弄潺

漫岸閣殘花片槎留舊漲痕鳳潛丹穴邃龍卧古
潭渾脩竹青垂蔭長蘿翠可捫忽驚穿藥圃不覺
到雲根燈外看飛鳥崖邊見飲猿援琴寫山水布
席坐蘭蓀白石支碁局青沙藉酒尊醉歌歸路穩
洞口月黃昏

十八日觀潮四首

一年壯觀盡今朝水伯何知故晚潮海浪肯隨山
俯仰風帆長共客飄搖
眼看白浪覆青山誰信黃昏去復還縱使百年終
有盡何須豪橫詫吳蠻
千槌擊鼓萬人呼一抹濤頭百尺餘明日潮來人

不見江邊只有候潮魚

江平石出漲沙浮船閣平洲水斷流朝莫去來何
日了一杯誰與吊陽侯

湖上晚歸寄詩友

髭髮難藏老湖山穩寄身却尋方外士招作社中
人霜葉深於染秋花晚自春無人還有礙詩卷莫
辭頻

其二

蓑笠宜多病衣冠錯致身清愁偏待客白髮解禁
人江月深留雪山梅借探春興從湖上發詩為道
人頻

其三

功名遠壯志戒律負前身劉德長欺客王融却笑人殘年憎送歲病眼却逢春杖屨知何向如公未厭頻

其四

紅綠羞明眼欹斜久病身年齡不待命湖海却留入點滴花間露新鮮柳上春情懷將底用詩外不須頻

次韻寄荅晁無咎

西湖欲雨樹煙滿風葉倒垂雲覆盃望湖樓上白頭人獨倚闌干誰肯伴獨有詩人記病身清風千

里寄行塵豪華信有回天力驚開桃李開新春往

事不回如過雨醉夢恍然忘惡語前在澶川有讀無各文編詩因

以戲之無答今以為言人生如幻此何尤未信黃金貴於土

愛子千篇頃刻成借將胃腹詫吾人吟哦怪有芳

鮮氣却被湖山識姓名蘇子瞻詩云游編蘇塘湖上境歸來文字帶芳鮮

文章廢退知難強身外虛華本無望何曾臨水惜

芒鞋却解逢人拈拄杖眼根清淨塵不留登伽過

盡不回頭越來詩云不應家在中原歸未得江淮斷

道無行舟兩山相逢翻手疾欲謀一笑寧無日却

慙懷璞似周人祗可聞名不須識

寄荅顏長道

薄命猶多難。浮生未定居。故人憂已矣。千里問何如。
如白髮。羞明鏡。青燈怯細書。不曾知史館。何用索
枯魚。

其二

貧病憂居士。雕蟲累壯夫。不能羞齒頰。幸免葬江湖。
湖疲馬甘垂首。遊鷹不應呼。為誰歸未得。山水故
鄉居。

寄邢和叔

昔作梁宋遊。幽憂廢朝昏。閉門無往還。不厭兒女
喧。隔墻聞剥啄。莫夜誰叩門。知是邢夫子。低回過
高軒。願為布衣交。不顧年德尊。忽忽立談罷。又見

東南奔江湖。多病後。僅免餉魚鼈。久廢數行書。因
人問寒暄。但愛孤山西。松筠數家村。便欲築居室。
挿秧仍灌園。生前不自愛。身後何足論。草玄笑楊
雄。贊易悲虞翻。文章徒自苦。紙筆莫更存。却尋南
郭老。隱几學忘言。他日宦遊客。誤入桃花源。菴間
見漁父。誰識王侯孫。

十七日觀潮三首

潮頭初出海門山。千里平沙轉面間。猶有江神憐
北客。欲將奇觀破衰顏。

江水悠悠自在流。向人無恨一作不應愁。相逢不
覺渾相似。誰使清波早頭

漫漫平沙走白虹。瑤臺失手玉杯空。晴天搖動清
江底。晚日浮沉急浪中。

月下觀潮二首

隔江燈火是西興。江水清平霧雨輕。風送潮來雲
四散。水光月色闔分明。
素練橫斜雪滿頭。銀潮吹浪玉山浮。猶疑海若誇
河伯。豪悍須教水倒流。

宿錢塘尉廨

平湖遶舍山無盜。官事長閑俸有金。安得終身為
禦寇。不辭兒女作吳音。

寄北山順法師二首

十年聞問不逢人。一面相逢過所聞。高士不應輕
俗士。欲將汗脚上垂雲。
山下遊塵不污人。耳邊溪水去猶聞。羨君身世渾
無事。坐看青山過白雲。

贈關彥長

少年初識字。已誦子虛賦。嘗疑天上人。已離人間
去。蹉跎二十年。久自歎遲暮。倦遊梁宋間。却踏江
湖路。此地始逢君。秋陽破朝霧。白首鬢毛新。青衫
顏色故。問君胡為然。竟坐文字誤。人事久難知。高
才常不遇。論人較賢智。富貴寧在數。不見竹林詩
山王俱不與。湖塘發高興。山林有佳處。追此閒暇

時觀游莫辭屢功名如附贅得失何用顧但當勤秉燭長願隨杖屨

送鄜州關司法

早歲相_天晚相識抵掌回頭已陳迹萬里從軍壯此行一筋鱸魚留不得夜靜關山秋月明莫聽嶺頭秋一作流水聲平世功名須少壯看君一箭下遼城

寄曾公權

超世功名子有憑過人材藝我何曾詩書忘廢難支敵門館光華却再登捐棄妻兒逃世累掃除鬚鬢伴禪僧待君持節東南日試問當年杜伯升子蘇

瞻通禪師詩云欲識當年杜伯升飄然雲水一孤僧

後山先生集卷第八

後山先生集卷第九

詩

登鳳凰山懷子瞻

一本作一首

蜿蜒曲龍腹山間隱樓觀孤高伏龍角浮圖刺雲
漢脩林霜雪餘落葉青紅亂想見洞中人不知時
節換咳唾落江東江東兩眼中舉頭觸浮雲大脚
驚飛鴻逢人自笑謀身拙坐使紅塵生白髮入山
便欲棄人間出山又與松筠別

數篇曾見使君詩前後登臨各一時妙舞新聲難
得繼清風明月却相宜朱闌行遍花間路看盡當
牙題壁處更有何人問使君青春欲盡花飛去

子瞻

憑花問使君何處去
說與春風知

平翠閣

我家山水間。耳目厭華麗。聞道浙西山。經年通夢寐。從茲遠遊客。忘却歸來計。欲置湖上。謝絕人間世。湖山多變態。橫斜光氣異。隨山轉朱閣。臨顧窮幽邃。惟存宣公樓。浮空堆亂翠。疑是水仙入。臨墻露高髻。道人亦愛山。朝昏閱終歲。最愛烟雨中。半撩青羅袂。我來悲歲晚。風霜掃昏翳。不見嶺頭雲。未盡登臨意。

贈大素

林間細路暗通門。火閣深藏雪裏春。自笑世間千計錯。羨他湖上十年人。枕帳清寒夜色空。琉璃明淨晚燈紅。定知城市無窮事。盡在山人冷眼中。

古怨贈闍彥長

世態輕浮君莫道。相逢何必論才調。鈇刀快利莫助遲果。下翩翩望雲老人前。安得無窮好。應須富貴長年少。莫教白髮更棲遲。不遭毀罵逢人笑。

次韻闍彥容湖上晚飲

風樹吹花落四鄰。莫雲將雨作催人。旋傾美酒留連客。急作新詩報答春。試傍清湖看鬢髮。莫辭行樂費金銀。如今歸去還高卧。更問風光有幾旬。

春晚遊寶雲寺

繁杏青猶小，幽花落更香。日隨雲雨斷，恨與水風長。螳子何緣鬪，蜂兒有底忙。山人能棄世，遊子不思鄉。

夏日書事

花絮隨風盡，歡娛過眼空。窮多詩有債，愁極酒無功。家在斜陽下，人歸滿月中。肝腸渾欲破，魂夢更無窮。

贈寫真禧道人

久病多愁易老身，塵容衰鬢不長新。早須置我山巖裏，不是麒麟閣上人。

晚遊九曲院

和章秀才二首

冷落叢祠晚，回斜狹路賒。平荷留夜雨，驚鳥過鄰家。

又

雲暗重重樹，風開旋旋花。病身無俗事，待得後歸家。

萱草

喚作忘憂草，相看萬事休。若教花有語，却解使人愁。

次韻順法師十三間樓避暑

二首

窓暗時時雨，門開處處山。心蘇解衣後，愁破立談

間

又

枕簟長相往。功名久不關。論文非小陸。愧色滿顏
間

次韻性都正北山逐涼

海風吹雨過梅黃。叢竹留陰借晚涼。更欲從君談
妙理。鳧脰能短。鶴能長。

賀關彥長生日

吉夢熊羆後。名家韋杜旁。風霜隨氣節。河漢借文
章。漢相功名晚。周南德化長。欲申千歲祝。願奉故
人觴。

其二

經術宜傳世。清明正得秋。德優高士傳。名重賦家
流。短袖妨妍舞。青衫負白頭。待看靈壽杖。扶出富
民侯。

石無咎畫苑

卒行無好步。事忙不草書。能事莫促迫。快手多麤

踈。君看荷蓑櫛。字缺一扇。崔家中叔三人俱。掃除事

物費歲月。收完神氣。忘刑軀。恍然有得奪天巧。衰

顏生態能相如。市師信手無贏餘。一日畫出東封

圖。眼前百口怪神速。背後十指爭椰榆。君家畫苑

傾東都。錦囊玉軸行盈車。補完破碎收亡逋。欲得

不計有與無。問君此病何當祛。君言無事聊自娛。
世間何事非迷途。挾策未必賢。樗蒲苑中最愛文。
與蘇情親不獨生。同問自謂知子誰。知余叔也不
癡回。不愚憐君用意常。勤渠揮毫灑墨。填空虛風
稍雨。葉出新意。老樹僵立何年枯。我生百事不留
意外物。不足煩。毆除翰墨。纔能記名字。模臨寫貌
無工夫。見溺不救危。不扶獨無一物充。庖厨看君
髮。漆顏丹朱意氣健。如生馬駒逢人。不信六十餘
郁然一莖無白鬚。呂公落寞起釣屠。南山四老東
宮。須人生晚達。有如此。應笑虞翻早著書。

錢塘寓居

山水如相識。豪華異昔聞。聲音隨地改。吳越到江
分。門閑蕭蕭雨。風催緩緩雲。會隨麋鹿去。長謝犬
羊羣。

次韻應物有歎黃樓

一代蘇長公。四海名未。荒忘歲月積。毀高城
壘。斯樓亦何與。與人壓復。紛徒爾為。長劍須
天倚。循分即可久。吾行誰與止。邇來賢達人。五十
笑百里。賴有寇公子。衆毀聞獨美。直氣懾狂童。牽
聯皆可紀。少公作長句。班揚安得擬。頗有喜事人。
睥睨欲槌毀。一朝陵谷變。天語含深旨。驚倒樓前
人。今朝有行履。

叔父惠鉢三首

當家父子親分付，不比黃梅萬里來。
不解當年明上座，嶺頭言下却空回。
蒲團未有祖師意，洗鉢何曾識趙州。
萬里空歸君解否，老胡端為我能留。
聲中得句已忘言，斲酒持齋却自然。
大有西來真的意，飢時著飯飽時懸。

和休文至自新安

無成底事到天涯，重見春工換柳枝。
歷盡江山苦行役，歸來風雨過花時。
驅馳共厭入世間，險阻時聞別後詩。
獨有窮愁銷未盡，一番相見一伸眉。

秋懷十首

以兩荒深院菊霜
倒半池蓮為韻

昨日山中雲，今朝山下雨。
牛羊沒禾黍，蟋蟀促機杼。
磨刀洗盆瓮，社臘不勝數。
豈無聚斂吏，觸手丞相怒。

其二

有家洙泗間，歲晏榛棘荒。
稍知田家樂，感此歸意忙。
老馬甘伏櫪，遊魂還故鄉。
四十尚無君，天下未敢忘。

其三

採薪墟墓間，行歌當歸耕。
向來輕薄子，懷護以為榮。
喘喘轅下犢，力盡官泥深。
壯哉八百里，一割探

其心

其四

翩翩王侯孫，館我翠微院。到飯隨鐘魚，朝昏黃庭
卷。中年妻子累，往世西方願。獨無詩書力，尼父安
得怨。

其五

黃公輕千乘，尚愛五斗祿。風雨聽朝雞，歲月老松
菊。平生白蓮社，不受一塵觸。識字即投閣，貴者須
食肉。

其六

昔作九日期，一覽知四方。夜雨秋水深，烈風畏褰

裳。尊空囊亦空，花且為我黃。官奴覆青綾，破屋任
飛霜。

其七

翼翼陳州門，萬里遷人道。雨淚落成血，著木木立
槁。今年蘇禮部，馬迹猶未掃。昔人死別處，一笑欲
絕倒。

其八

籊籊孤竹君，長我一身半。凜然霜雪間，時至亦陰
換。共與王子猷，永結忘言伴。可使溪壑姿，充我眼
中玩。

其九

北闕書不上南山田不歸朝莫陳州門悠悠此何
為我老何所為暖日聊差池君聽城山烏啞啞端
為誰

其十

潭潭光明殿稽首西方僊平生脩何行步有黃金
蓮我豈昔好徑報以履下穿洗足坐道場卒卒此
何緣

寄寇荆山

曠士三年別荆山一顧中百千人欲死四六老能
工脫帽頭應白求田意欲東口須論世事目已失
飛鴻

次韻蘇公西湖觀月聽琴

公詩端正道亭亭如紫雲落世不敢學謂是詩中
君獨有黃太史抱杓挹其尊韻出百家上誦之心
已醺黃鍾毀少合大裘擯不文世事如病耳螳鬪
作牛聞苦懷太史惠養豹煙雨昏後世無高學舉
俗愛許渾

還江山

夜夜滄洲夢歸心劇旆懸呼童買輕舸拂榻下平
川溯浪潮如鬪凌風岸石牽江鄉厭回首竹及棟
花天

雜題

亂水交如線羣山翠作屏寒輕春稍稍雪盡麥青
青霜草猶疑滑風林漸喜聽生涯鞍馬上歲月短
長亭

其二

泥雪繞通脚煙雲復結陰遲留隨處處簾幕靜沉
沉去鴈懷歸意來禽欲好音稍寬溝壑辱不憚二
毛侵

春酬應物

論世闕真是憎好成愚賢衆手挽跛牂擬度驂騮
前與子早相好於今不知年自從欲著帽憂喜同
華顛生世知風花高下亦偶然填溝偶不死揮忍

忽自全病馬試春早枯魚縱奔川稍思升斗祿筦
庫未闕負一飢尚可忍百歲當復延相余乘下澤
得句要子宣此生期樂死他日須詩傳縮手著袖
間彈棊一爭先

酬應物見戲

扣門賞竹任推排興盡歸舟晚不回平世山林成
偃蹇新年詞句得參陪醒心正賴揮毫疾誤筆仍
煩送喜來書省不應須乳媪何承天老為著作而
同官皆少年目為乳
媪來詩有一時除目盡英才近徐祕書正字
皆天下之選

媪來詩有

一時除目盡英才

近徐祕書正字

後山先生集卷第九

後山先生集卷第十

詩

次韻德麟督叔弼季默詩及破余酒戒

歲月不相貸夜沐衾篔秋朝來明鏡中作意多少
留惟酒可為娛顧我非其流丈夫意氣合珮玦不
循鉤意行無人非駿發不中休相逢問何如頗復
中之不清坐豈不好致真豈糟丘兩歐以詩鳴與
俗同沉浮百鳥畏嘲弄徃和長鳴鷗相寧忍快便
風飄萬斛舟

次韻蘇公謁告

靜中有業官成焦醉裏無何老是鄉文寶向來無

一物却須天女與拈香
竭澤回波不作難未應平地起風瀾是身非有從
何病試下先生一著看
紙帳薰爐作小春狸奴白牯對忘言更無人問維
摩詰始是東坡不二門

次韻蘇公獨酌

雲月酒下明風露衣上落是中有何好草草成獨
酌使君顧謂客老子興不薄飲以全吾真醉則忘
所樂未解飲中趣中之如狂藥起舞屢跳踉罵坐
失酬酢終然厭多事超然趨淡薄功名無前期山
林有成約身將歲華晚意與天宇廓醒醉各有適

短長聽鳧鶴

城南

白下官楊小弄黃騎臺南路綠無史含紅破白連
連好度水吹香故故長蹲滑踏青穿馬耳轉危綠
險出羊腸熟知南杜風流在預怯排門有斷章

次韻蘇公獨酌試藥玉滑盞

僊人棄餘糧玉色已可欺小試換骨方價重十冰
甕灌以長白虹渺若江海瀾浮之端不惡舉者亦
何辭但愧聞道晚早從鴈門師律部無明文可復
時中之汝陽佳少年三斗出六竒家有持杯手兩
好當一施風吹酒面灰月度杯心遲百年容有命

一笑更須時

次韻德麟植檜

種木待成材，聊為十年事。目中趨百里，寧問萬牛費。植檜三尺強，已有凌雲氣。生世能幾何，擬作千歲計。衆人笑拍手，君子用其意。蕭蕭孤竹君，忘言理相契。名以金石交，椿楊豈奴婢。緬懷萬仞顛，千丈蔚蒼翠。蟠根泉石底，用意霜雪外。寧須大厦才，坐待斧斤至。散為風雨聲，密作牛馬蔽。

送叔弼寄秦張

廬陵四公子，吾及識其半。叔也英達人，平易亦稍悍。於時吾始壯，敗壁不塗墁。孤身客東都，轉食諸

公館。時來扣君門，百過不留難。傾心倒囊笈，燕語徹昏旦。磬折挽為親，少得而多患。相過汝穎上，歲月不勝歎。君才得公餘，十日而十。舌端懸日月，筆下來江漢。此行不尋常，談者方一貫。逸足寧小試，寶刀當立斷。用意不崎嶇，欲得志挾彈。目今平生親，稍作春冰泮。因聲督張秦，書來不應緩。

次韻德麟吳越山水

吳山那可說，已覺心耳靜。忍事如忍欲，可過不可騁。人生如此耳，黃白滿朝鏡。寧懷斗升粟，不理東南艇。君從湖上歸，頗說寒事竟。沙草柔動色，溪喧魚不定。煩君冰玉句，無作江湖興。君詩如靜女，妙

絕人所敬不更風雨秋下有桃李徑試寫孤竹君
名成三絕鄭

龍潭

清淵下無際落日回風瀾凜然毛髮直敢以笑語
干陂陀百天臺葱翠萬木蟠驚飈振積葉清霜作
朝寒水旱或有差精禱神其難魚龍同一波信有
水府寬向來三日雨賴子一擡鞍何以報嘉惠寒
瓜薦金盤萬口待一飽歸卧神其安猶須雪三尺
盛意莫得闌

贈魯直

相逢不用早論交且晚歲平生易諸公斯人真可

畏見之三伏中凜凜自寒意名下今有人曾中本
無事神物護詩書星斗見光氣惜無千人力負此
萬乘器生前一尊酒撥棄獨何易我亦奉齋戒妻
子以為累君如雙井茶衆口願其嘗顧我如麥飯
猶足填飢腸陳詩傳筆意願立弟子行何以報嘉
惠江湖永相忘

放歌行二首

春風永巷閉娉婷長使青樓誤得名不惜倦簾通
一顧怕君著眼未分明
當年不嫁惜娉婷抹白施朱作後生說與旁人須
早計隨宜梳洗莫傾城

次韻蘇公竹間亭小酌

自昔一作至音有遺韻小飲不盡觴坐待竹間月柰此
雲影長起行林下路散策踰平岡破眼一枝春著
意十葉黃暄寒會有分蜂蝶來無央鳥語帶餘寒
竹風回妙香緬想兩公子
朝陽斯人班
馬後如圭復如璋相逢子無得住處每難忘

次韻蘇公蠟梅

花人乃作
花何年落子空三家羽衣霓袖澗
香蠟從此人間識尤物青瑣諸郎却未知天公下
取仙翁詩烏丸雞距寫玉葉却怪寒花未清絕北
風驅雪度關山把燭看花夜不眠明朝詩成公亦

去長使詩仙誦佳句湖山信美更負人已覺西湖

屬此君坐想明年吳與越行酒賦詩聽擊鉢

秋後五日應物無詩豈年志俱壯未解傷秋
耶以詩挑之

伏盡暑猶壯秋生涼故遲蟬吟接遠響螢燭度深
枝歲半身仍健年侵意自悲情知寇公子不作感
秋詞

次韻楊內翰贈諸進士

一官歸老豈嘉賓喜見羣材入選掄學變古今人
得意化行梁楚俗還醇士蒙餘勇天同力詩度清
秋物再新勉作功名收善頌徑從平地擬通津

送李奉議亳州判官

謝公中年後，畏與親友別。數日懷抱惡，每笑冠纓絕。生有四方事，死當一語決。前笑今則悲，吾衰擬何說。著鞭何必先，倒筆不容掣。鞭爾轅下駒，萬里一改轍。

其二

祁氏號外府，歲室多異書。因公有餘力，一覽意何如。為學雖日益，受益不受誣。正須高著眼，濠梁有遊魚。

其三

吾友孫子實，愛學吾所畏。持身如處子，得句有餘

味。交驩艱難際，凜然見名誼。吾病卧里中，車馬日一至。遣醫饋梁肉，憂喜見顏際。慇懃勸加餐，代我破戒罪。一別已三秋，君室乃其季。輪困見眼中，不作千里外。因聲問何如，胡不在一字。

其四

吾友張文潛，君行乃其里。當年釣遊處，壯者或可指。聞風起遐想，意作千古士。不知塵土中，奴推婢不齒。中無一塵筆，下有百紙勿問見，自知未語君已喜。與遊今已後，行已勿停軌。

寄晁說之

閱世真難記，如君自不忘。尚一作向於書太簡，正以

懶相妨與有還家樂終無却老方莫須憂潦倒未
許細商量

再贈寇司戶

仕宦諸儒底名成一戰中酒為千日計詩費幾生
功戲馬章臺下呼鷹上蔡東少年豪俠窟杵臼得
梁鴻

次韻寇司戶春懷

諱窮懷祿得辭勞腰折低頭不復高夢幻更堪追
鳥迹去來何有拔牛毛依違玩世從君好叱咤生
風蓋代豪聞說妙年心尚在忍看花絮受風飄
奉陪內翰二友醴泉避暑

疾雷倒海不成雨墨雲御日蠶不吐深院回廊晝

日一作景

長青簾朱幕風鈴語神仙中人龍作馬翠

旌絳節從天下竹冠芒屨紫綺裘曳杖林間觀物

化清池

一作青蓮

照眼自生涼脩竹回陰欲過廊樽酒未

空高興動含毫欲下雲飛揚俗間道士業符醫未
語已作庸人樣但知一扇博百金豈識雙松到千
丈蠅頭小字密著行四座歡叫醒而狂忽驚天姥
到庭戶風篁露草鳴寒螿回天却日有餘力小試
席間留翰墨請公慎用補天手入佐后皇和五石

戲元弼

濁涇清渭不同源世好因循到子孫只待白頭能

潦倒不虞青眼已瀾翻
山頭落日著窓明
花裏來禽起笑聲
豈有詩成須白傳
獨於酒家置公榮
翩翩別去七經年
時特歸來兩浩然
東道有時推謝令
後堂無地著彭宣
車馳卒奔風雨過
白髮故人餘一箇
幸是元無左阿君
何須不著陳驚坐

陳詢秀才歸徐

千里相從愧子心
未堪歸路馬駸駸
更能作意憐衰病
肯復一作後重來道古今
三歲有期看一舉
百年聊待到千尋
行逢淨社論餘習
為說登臨久廢

吟

登彭祖樓

城上危樓江上城
風流千載擅佳名
水兼汴泗浮天闊
山入青齊煥眼明
喬木下泉餘故國
黃鸝白鳥解人情
須知壯士多秋思
不露文章世已驚

送王生兼寄西堂圖澄禪師

未仕寧論馬少游
虛名非復韓湖州
祖師若問西來信
為說蒼頭與白頭

鉅野泊觸事

蒲港牽絲直平湖
墜鏡清順流
風借便捷路
雪初晴
鳥度欲何向
鷗來只自驚
有行須快意
安得易

為情

東阿

慟哭東阿縣傷心莫與論却思當痛日敢望此身
存舉目人將母回頭影吊魂更堪悲手足孤稚滿
船門

甲亭

峻壁亭臨水橫陂樹徹山兩河惟甲氏數栢共蒼
顏隨意遊成適回舟月與還早知乘下澤不再結
青綸音關

遊鶴山院

積石橫成嶺行楊密映門人聲隱林杪僧舍遶雲

根頓攝塵緣盡方知象教尊只應羊叔子名字與

山存

南豐先生出守
日常遊是院

登鶴山

小試登山脚今年不用扶微微交濟灤歷歷數青
徐朴俗猶虞力安流尚禹謨終年聊一快吾病失
醫廬山因扁
鵲而名

寄子開

致君意氣日方中許國精誠月貫虹一代英豪出
門第當時毀譽豈窮通風流身致義皇上日夜心
隨汲洛東從使少年輕我輩只留顏面對吾公

後山先生集卷第十

後山先生集卷第十一
詩

寄徐吉父學士

卧龍山上摘黃花。曾共西風醉帽斜。當日已應天下樂。無人傳入畫圖誇。低頭強笑今何似。多病難堪懶自嗟。聞道承明方厭直。幾時來伴訪山家。

和南豐先生西遊之作

孤雲秀壁共崔嵬。倚壁看雲足懶回。睡眼賸緣寒綠洗。醉頭強為好峯擡。山僧煮茗留寬坐。寺板題名卜再來。有愧野人能自在。塵樊束縛久低徊。

和南豐先生出山之作

側徑藍昇兩眼明。出山猶帶骨毛清。白雲笑我還
多事。流水隨人合有情。不及鳥飛渾自在。羨他僧
住便。平生未能與世全無意。起為蒼生試一鳴。

和張次道再遊翠巖之作

去歲尋山有舊題。重來似與故人期。回巒俯仰如
迎客。流水喧鳴擬索詩。嶺路依危通鳥過。吾身趣
健白雲隨。自憐久快屠門嚼。欲住安能久茹芝。

初到錦城

溪遶層巒路遶溪。飛梁相接挂晴霓。山川王氣今
何有。巖谷靈蹤昔未躋。十里松篁參羽仗。半天樓
閣倚雲梯。勝遊欲盡無窮目。未到桃源客已迷。

何復教授以事待理

負俗寧能累哲人。昔賢由此致功名。驥收鹽坂車
前足。琴得焦桐爨下聲。三獻荆山時未識。一鳴齊
鳥衆方驚。傳聞下詔搜遺逸。勸講方思用老成。

和富中容朝散值雨感懷

節物驚心懶復嗟。樽中酒盡復誰賒。風撩雨脚俄
成陣。雪閣雲頭欲結花。萬里可堪長作客。一年將
盡未還家。自憐落落終難合。白首詩書謾五章。

謝贊閣梨見訪

好在談經老上人。衝風踏雪到江濱。百篇出篋自
新得。一鉢隨身依舊貧。終歲杜門逃俗士。為師設

榻對脩筠。蒲團藜杖焚香坐。此意此時無點塵。

和蒲左丞有美堂座上觀雪

高牙大纛曉登山。卷帳飛觴不避寒。十二玉樓橫閣道。三千鐵甲壯師干。封脩已驗遺蝗化。平隴寧虞宿麥乾。預喜豐年惟太守。旋追賓從促杯盤。

其二

破曉初驚失舊山。瑤臺化出坐中寒。江心凍合愁蛟蜃。匣裏冰生吼莫干。門閉洛陽人迹絕。指穿東郭履痕乾。鳳池不比梁園客。咳唾珠璣落玉盤。

和秦太虛湖上野步

曉風踈日乍相親。黯黯輕寒拂拂春。觸目漸隨紅

蕊亂。經年不見綠條新。寧論白黑人間世。懶復鷓鴣黃紙上塵。十里松陰窮野步。暫時留得自由身。

和沈世卿推官見寄

倦看世態久低徊。且置窮通近酒杯。未忍一身閑處著。暫容雙眼醉時開。為呼阿武扶頭起。擬與山公倒載回。好在東籬舊時菊。無心準擬白衣來。

和劉元樂月夜寄賈耘老

胡牀欲上庾公樓。那復周南嘆滯留。皓魄光連鮫室午。踈星冷浸洞庭秋。錦袍有興思姑孰。桃楫無心問莫愁。喚取長江來入社。不勞牛渚問行舟。

酬呂明父學士

當日功名指顧收。一言悟主遇千秋。去登霄漢如
平地。歸到雲山尚黑頭。解組行參蓮社客。揮金坐
揖醉鄉侯。謝公不為蒼生起。擁鼻重来可自由。
送傅子正宣義

漸漸鳴竿五雨輕。一帆秋色下江濱。請纓北闕非
無意。捧檄南州且為親。神驥解韁天上足。風鵬搖
翮日邊身。歸途眯眼塵沙惡。夢想西湖十里春。

和无樂銷暑樓曉望

遶郭溪山接四隣。身輕步躡一梯雲。圖南羽翮搏
空見。倚北光芒入夜分。蕪沒池臺餘故事。風流人
物想前聞。翛然便欲思招隱。猿鶴還應怨舊羣。

和寄朱文中

仰高當日誦成規。想見風流盛一時。魯國故知臧
有後。孔庭早見鯉能詩。侵尋末路同傾盖。邂逅清
談為解頤。願昔胡山容膝地。為令松菊寄吾衰。

和王明之見寄

末路相逢首重回。紫芝眉宇向人開。老來惟有風
情在。事去空憐歲月催。憔悴不堪臨楚澤。棲遲無
路上燕臺。少陵肺病踈杯斝。想負花前載酒來。

和酬施和叟宣德

山陰傾盖兩綢繆。十載重来鬢已秋。往事侵尋如
昨日。故人牢落半滄洲。流離道路生涯拙。蕪沒田

園歲計休久要尚憐君子在為言雞黍亦遲留
呂使君生日

司漏凌晨報曉籤瞳瞳赫日上重簷良辰已應純
乾策吉夢先符大卜占棣萼同時升紫禁棠陰由
此駐彤檐一杯欲助邦人禱願借黃堂壽筭添

送澤之過維揚

夢裏揚州十載間青樓陳迹故依然袍爭爛錦催
詩筆雨濺明珠落酒船顧我老無騎鶴興羨君行
及看花天囊中繡句歸應滿不負韋郎五色牋

和和叟第課還自都下

青雲直上馬如龍來往冷然若御風高步只應天

咫尺舊遊寧寄浙西東升沉道路從今異邂逅比
鄰此日同相見可堪懷抱冷需君健語破樊籠

和和叟梅花

百卉前頭第一芳低臨粉水浸寒光
漢房陵有粉水卷簾
初認雲猶凍逆鼻渾疑雪亦香鼎實自應終有待
天真不做更勾粧江南望斷無來使且伴詩翁入
醉鄉

再到錢塘呈會宗伯益

負笈重來感舊遊流年衰鬢兩經秋湖山依舊渾
相識風月愁人不自由尚有故交重冷榻可堪歸
夢到滄洲誰憐壯志空凋落百鍊今為遶指柔

簡楊安國

侯門誰預識馮驩。歲晚寧知范叔寒。傾蓋尚憐吾
道在。立談相信古人難。開懷磊落無城府。握手侵
尋出肺肝。共許異時終此去。滿冠塵土待君彈。

簡李伯益

虀鹽度歲每無餘。垂橐東歸口未餬。貧裏交遊新
斷絕。老來光景半消除。時情視我門前雀。人好看
君屋上烏。尚喜弊廬連蔣徑。願求佳句遞髯奴。

九日無酒書呈漕使韓伯脩大夫

老大悲傷節物催。酒腸枯涸壯心灰。慙無白水真
人分。難置青州從事來。倦筆懶從都市出。醉眸剛

為麩車回。黃花也似相欺得。坐對空樽不肯開。

過杭留別曹無逸朝奉

陳蕃解榻為留連。俯仰徒驚歲月遷。故意斯人柰
風雨。多情於我獨山川。可憐顏貌非前日。依舊窮
愁似去年。後夜相思隔煙水。夢魂空寄過江船。

五言賀雨

六月鄞江旱。焦勞刺史憂。戴星趨洞府。踏月叩龍
湫。引咎青章設。為壇古法脩。山川將爾徧。牲幣豈
吾留。帝意茲回眷。神聰俯應求。油雲潛感召。靈雨
忽滂流。急勢朝翻幕。寒聲莫咽溝。餘波平浦嶼。翠
色蔽田疇。池閣消殘暑。閭閻慶有秋。邦民無以謝。

惟起載途謳

別威德寺

三宿城隈寺。輕齋類老禪。暫來真偶爾。適去更翛然。笑別留春塢。行尋下瀨船。此身猶斷梗。飄泊且隨緣。

雜題

春水漲湖田。先尋滄瀆船。隔江爭問主。入市不論錢。味得尊尤滑。香因鼓更便。他年棟花落。追憶漫流涎。

和董判官寺居作

共作東州客。同棲古寺深。論交非有舊。不見解相

尋冷過清明節。悲生故國心。此身隨所寄。未足問升沉。

贈白閣梨

餅錫倦西東。歸來一榻空。宗乘能自判。文學更無通。講徹夜堂月。定回枯樹風。無從叅淨社。回首倦飛蓬。

舒御史太夫人挽詞

回合蔣山秀。佳城去域中。珮環無曉日。蘋藻自春風。斷髮人何在。捐金事已空。遂移男子孝。更作直臣忠。

和賈明叔秋晚見懷

陋巷少行迹，故人車馬稀。世情方汨沒，吾道肯依
違。萬葉迎風脫，孤雲帶月歸。獨憐高義在，猶肯問
柴扉。

望夫石

磧戍人何在，秋霜志不移。無言息媯怨，有淚霽娥
悲。山靜雲盤髻，江空月印眉。誰將望遠意，歌作送
征詩。

夏杪

一室青蕪長，終朝靜不譁。聖賢開美酒，子母破新
瓜。綠篠初翻籜，紅蕖稍薦花。咄嗟功業晚，覽照鬢
初華。

虞美人草

幽草默通神，舊題虞美人。長言方度曲，應節若翻
身。律呂聲相應，雲龍氣自親。無情猶感會，不獨在
君臣。

沈道院有水墨壁畫奇筆也，惜其窮年無買
之者，賈明叔請余同賦。

壁間水墨畫，為爾拂塵埃。草樹精神出，溪山氣勢
回。路從沙嘴斷，人自渡頭來。莫怪知音少，牙絃匣
不開。

同蘇不疑避暑法寺

酷暑不可處，相將尋畫涼。清談廢廣廈，甘寢就方

牀蓮剝明珠滑瓜浮紺玉香因知北牕卧自信出
羲皇

和彥詹題遠軒

開牕得遠意興出香冥間芳草日邊路片雲天外
山好花和露斲脩竹夾藤剛每許南鄰伴時來一
寄顏

讀申樂夫臨水坐詩

西方社裏收身早白髮人中得計長不作北門東
掖客更無閑事可思量

寄君王

不見紫霄翁侵尋鬢已蓬倦遊鄉域異歸夢夙宵

同愛酒貧應甚吟詩老更工清時公道在未足歎
途窮

簡令由司理

居連里巷室連甍多謝能容鑿壁生幸有餘光子
何損豈無鄰好我先傾已知涉世遠遠夢但欲求
田俛俛耕貧病久甘從棄置寧堪更累汝南評

後山先生集卷第十一

Blank space for text in the right column.

後山先生集卷第十二

詩

鷺鵲詩

并序

此卷係得於魯氏傳本及南宮氏編中他本所無者

辛巳夏四月庚戌日將晏與客追涼露坐有雀引雛二三集垣下行且哺俄有鵲至自北俛啄雀間初循循少焉得雀遽攫一雛而升于垣出雀不意雀悲鳴啾啾奮身抵鵲再三欲奪鵲竟磔雛以食不顧如得計然坐客歎息余感之賦詩

若奚不鷓吾知避而遷汝胡不狸吾知遠而馳宵
邇吾巢晨並吾枝懷毒姪凶初不汝期莽恭拳拳

甫笑嬉嬉情貌深厚孰從而追

大風 梁山泊

積陰風易作隆寒一作風聲益急百為定有數一動

必三日犇墮水勢壯掣扶波頭立前行後浪一作首

促突起旁交射崩騰萬騎來倏忽一箭扶摧殘蒲

葦盡簸蕩魚龍泣私憂地軸脫已分梁山沒向來

萬斛重不作一葉直舟行雨水間觸突聲悉率路

轉帆舉落舟排冰壘積經事長一智中人所知識

千金不垂堂豈復待一失窮途得偉觀老氣猶少

色一作邑事定不敢一作未得忘嗟來庶一作安可及

送張秀才無簡德麟

長安千門憎熱客我獨憐君來解熱呼兒具飯懶
出口藜羹不糝甘一啜北州別駕玉刻麟索書往
見良可人驛使別來無一字知有此情誰與親

張謀父乞花

二頃田園汴泗東春來一作春心事幾人同固知短

綆無深汲又見新花發舊叢光氣著人渾欲醉妍

華過眼旋成空冷官門外一作戶無消息與報江南

春信通

次韻游花洞

遠洞容徐步繁英故壓枝錦衾堆襍積春事向離

披作意真成誤尋芳似較遲預為來歲約及早共

瑤卮

夜坐有懷一作秋懷

瑣瑣重門閉蕭蕭一再更一作稍稍昏更短繁昏

細字高枕笑一作忘平生來鴈防身早一作身健防秋陽

換眼明已須甘酒力不用占時名一作舊心肯向人傾

送張芝卿

相逢已偶爾告別更蒼然離合驚時換行藏乃世

緣君無學干祿我亦賦歸田泗水秋山外長安夕

照邊

行次舊縣寄立之

歲晚方奔命春期作過賓逢君為地主顧我拙謀

身官是三年客情緣一日親將身隨斗食應作未
歸人

次韻黃無悔惜梅

雪擁寒門鵲不來江南春信小遲回遙知詩力一作

律生春早一抹江梅趁眼開

酒戶獻花以奉先聖戲作

蕭蕭竹雨亂鳴鴉嫋嫋風窓暗碧紗玉座塵埃香

火冷酒家來獻一枝花

謝田氏

登門執別有不吝慚愧公家父子孫顧我何堪能

至此正緣同德又同門

寄子閔

煙昏曉寒風發屋行者抽篷離者哭青衫白髮兩
相鮮積雪朝陽眩雙目猛虎食子有分羹潔鷺割
股謀補肉妻拏不用哭窮途前府故人風義篤

其二

道山清絕况真仙杜曲風流最近天曹牒于今真
樂國股肱從昔著時賢今回不辨終朝語此去無
端久疾痊可念卧如遭末劫親陳埋沒不知年

贈黃氏子小德

黃童三尺世無雙筆頭袞袞懸秋江不憂老子難
為父平生崛強今心降我來喜共阿戎語應敵縱

橫如急雨生子還如孫仲謀豚犬漫多何足數黃
家小兒名小德眉如長林目如漆只今數歲已動
人老人留眼看他日笑君老蚌生明珠自笑此物
吾家無君當置酒吾當賀有兒傳業更何須

送晁奉議高郵判官

公族仍前輩都城早與遊士窮須祿食才大豈身
謀雪嶺無歸鳥冰河有去舟平生湖海意不為有
魚留

南臺

城郭收燈興未休却回春信到臺頭東風未借登
臨便柳色遙看特地愁

馬上口占呈立江

廉纖小雨濕黃昏十里塵泥不受辛轉就鄰家借
油盞始知公是最閑人

山集卷十二

集卷第十二

外祖承仕郎徐文

漢城

